

ZOI'84
Olimpijski centar
Sarajevo



ZOI'84
Olympic Centre
Sarajevo

98

“Ministarstvo privrede KS”

N/r Ministra Harisa Bašića


“Skupština Kantona Sarajevo”

n/r Zamjenika predsjedavajućeg Skupštine KS
Vibora Handžića

Broj: 5040/20
Vaš broj:
Datum: 27.12.2019.g

PREDMET: ODGOVOR ZASTUPNIČKA INICIJATIVA

Veza dopis broj : 01-05-43190-2/19




Poštovani,

Ovim putem Vam dostavljamo odgovor na **zastupničku inicijativu** „da se u **Budžetu za 2020 godinu osiguraju početna sredstva za projekat rekonstrukcije BOB STAZE na Trebeviću**“, koju je na 16. Radnoj sjednici Skupštine Kantona Sarajevo, održanoj dana 11.12.2019. godine u okviru tačke „Poslovnička/zastupnička pitanja, inicijative i odgovori“ pokrenuo zastupnik Sabahudin Delalić.

Bob i sankaska staza – izgrađena je 1982. godine za potrebe održavanja XIV zimskih olimpijskih igara u Sarajevu 1984. godine. Nakon Olimpijade, staza je korištena za održavanje treninga i raznih međunarodnih takmičenja. U toku ratnih dešavanja 1992-1995. godine staza je devastirana i nije u funkciji zimskih sportova. Obzirom na svoju arhitekturu i specifičnosti, bob staza se u skorijoj prošlosti počela koristiti za biciklizam, rolanje, skejtbording, čak i za održavanje takmičenja u ekstremnim sportovima organizovanim od strane RedBull-a. Bob staza se između ostalog koristi i za održavanje ljetnih treninga za sankashe i bob treninga.

Prostornim planom Kantona Sarajevo predviđeno je donošenje prostornih planova područja posebnih obilježja među kojima i za Zaštićeni pejzaž Trebević. Planom se predviđa obezbjeđivanje sportskih objekata i prostora za masovnije uključivanje stanovnika i njihovu ravnomjerniju distribuciju u prostoru. Vanurbano područje Kantona predstavlja je drugi najznačajniji kompleks formiranja turističke i rekreativne ponude. Sportsko-rekreativne zone na olimpijskim planinama imaju svoj kontinuitet i u smislu razvoja sporta, kako rekreativnog tako i takmičarskog. U tom smislu Trebević je sankaski centar jugoistočne Evrope, uz rekonstrukciju postojeće infrastrukture i obnavljanje bob i sankaske staze, koja se nalazi u u obuhvatu Prostornog plana područja posebnog obilježja „Zaštićeni pejzaž Trebević“ (Čija je izrada u toku)

Cijeneci značaj ovog olimpijskog borilišta kao kulturnog dobra, a prevashodno kao objekta za održavanje međunarodnih sportskih takmičenja, zatim objekta sa izrazitim



rekreacijsko-turističkim potencijalom, te u smislu omasovljenja ovog sporta u Kantonu Sarajevo potrebno je izvršiti rekonstrukciju ovog borilišta sa pratećim objektima u skladu sa važećim međunarodnim propisima i standardima, kako sa aspekta tehničkih elemenata trase, tako i u pogledu zadovoljenja okolinskih uslova.

Dana 24.07.2019.godine delegacija na čelu sa direktorom KJP ZOI'84 Kenanom Magodom, obišla je lokaciju i održala sastanak sa gospodinom Senadom Omanovićem, Selektorom sankaske reprezentacije BiH, predstavnicima Vlade Kantona Sarajevo, Zavoda za razvoj i planiranje Kantona Sarajevo, te sa Delegatom Vlade Katalonije za jugoistočnu Evropu - gospodin Eric Hauck. Pri tome je istaknuta zainteresiranost Vlade Katalonije za finasiranje obnove i rekonstrukcije Bob i sankaske staze na Trebeviću, a za potrebe prijave Barselone za kandidaturu Zimskih olimpijskih igara u narednom preiodu, pri čemu bi se Trebevička staza iskoristila za bob i sankaske discipline u okviru igara. Na istom sastanku direktor Magoda je istakao sljedeće:

"ZOI'84 kao pravni nasljednik Bob staze na Trebeviću, uz pomoć Vlade KS, upušta se u nove projekte. Zainteresiranost Vlade Katalonije za učešće je potvrda da se radi o veoma značajnom projektu.

Volja sadašnje Vlade KS, a sigurni smo i Gradske uprave grada Sarajeva je da se vrati nekadašnji sjaj Bob staze na Trebeviću, i uskoro bi mogla biti realizirana. Danas se razgovaralo, o potrebnoj dokumentaciji, i fazama projekta.

"Ovo je jedinstvena bob staza u svijetu, jedino je u Sarajevu staza nadomak grada sa preljepim pogledom, interes za ovim bi se pokazao ne samo u Bosni i Hercegovini, već i u svijetu. Mi smo spremni da uz Vladu KS završimo sve ključne projekte, koji su u vlasništvu ZOI'84, a od direktnog interesa građanima Sarajeva."

Odmah nakon izgradnje Bob i sankaske staze sa pratećim objektima i infrastrukturuom dobivene su Upotrebne dozvole, ali se nije izvršilo uplanjenje objekata u katastru u Općini Stari Grad - Sarajevo, na čijoj teritoriji se nalazi Bob i sanjkaška staza. U tom smislu od strane ZOI'84 pristupilo se izradi geodetskih snimanja postojećeg stanja Bob i sankaske staze sa pratećim objektima i infrastrukturuom da bi se moglo izvršiti uplanjenje.

Također je održan niz sastanaka sa predstavnicima Vlade KS, nadležnih ministarstava, Zavoda za planiranje razvoja KS, Zavoda za izgradnju KS..., na kojima je utvrđen redosljed koraka za realizaciju projekta i prezentiran projektni zadatak za rekonstrukciju.


KJP ZOI'84 je u svom planu koji je prijavio u PJI KS predvidio izradu projektne dokumentacije za rekonstrukciju Bob i sankaske staze sa pratećim objektima i infrastrukturuom na Trebeviću.

Obzirom da se radi o projektu rekonstrukcije i modernizacije borilišta u skladu sa važećom legislativom za ovu vrstu sportskih objekata potrebno je projektnu dokumentaciju uraditi u dvije faze :



- I- Pripremna faza koja podrazumijeva snimanje podloga za izradu projektne dokumentacije, ispitivanje materijala i instalacija i izradu Elaborata o postojećem stanju konstruktivnih elemenata staze i stanju pratećih instalacija na stazi
- II- Izradu idejnog projekta na način koji će omogućiti etapnu realizaciju rekonstrukcije staze sa pratećim sadržajima, te definisati potrebne parametre kako za zimsku, tako i za ljetnu ponudu (korištenje staze)
- III- Izradu glavnog projekta rekonstrukcije staze sa pratećim sadržajima

Nakon izrade projektne dokumentacije dobiće se finansijska konstrukcija, odnosno vrijednost radova na realizaciji projekta. U skladu sa spremnošću Vlade Katalonije za sufinansiranje istoga, moći će se uvrstiti u Budžet Kantona Sarajevo, za neku od narednih godina.

 Direktor KJP ZOI'84
[Redacted signature] of.